

საინფორმაციო ფურცელი - შეთავაზება

1. მზღვეველი: სააქციო საზოგადოება - სს „სადაზღვევო კომპანია ალდაგი“;

2. დაზღვევის ხელშეკრულების სახე: „სახლის დაზღვევა“;

3. დაზღვეული რისკის აღწერილობა/სადაზღვევო დაფარვის პირობები:

დაზღვევის ხელშეკრულების საგანია დაზღვევის პოლისში მითითებული და დამზღვევის კანონიერ მფლობელობაში არსებული სახლის დაზღვევა მზღვეველის მიერ დაზღვევის პირობების შესაბამისად, დამზღვევის მიერ შესაბამისი სადაზღვევო პრემიის გადახდის საფუძველზე, შემდეგი სადაზღვევო რისკებისაგან (სადაზღვევო დაფარვები)/მზღვეველი აანაზღაურებს უშუალოდ ისეთ ზარალს, რომლის გამომწვევი პირდაპირი მიზეზია:

ძირითადი პროდუქტი:

I ჯგუფი - FLEXA: ხანძარი, აფეთქება (გაზის წნევის მომატების ან აირის გაჟონვის გამო), მეხის დაცემა, თვითმფრინავის და სხვა საჰაერო მოწყობილობის ან მათი ნაწილების ჩამოვარდნა;

II ჯგუფი - სტიქიური მოვლენა: მიწისძვრა, მენყერი, ღვარცოფი, ჰაერის მასების მოძრაობა 25 მ/წმ და მეტი სიჩქარით, წყალდიდობა (სტიქიური მოვლენის შედეგად, მდინარის, ტბის, ზღვის, წყალსაცავის ნაპირებიდან გადმოსვლა), სეტყვა, უხვთოვლიანობა (თოვლის საფარი 1 მეტრი და მეტი სიმაღლის), ზვავი;

III ჯგუფი - მართლსაწინააღმდეგო ქმედება: ქურდობა შეღწევით, ძარცვა, ყაჩაღობა, ვანდალიზმი;

IV ჯგუფი - დატბორვა: მეზობლისგან წყლის უეცარი და მოულოდნელი ჩამოსვლა, წყალ-საკანალიზაციო (მათ შორის ჟოლობი) სისტემის მწყობრიდან უეცარი და მოულოდნელი გამოსვლით დატბორვა;

დამატებითი პროდუქტები:

- მესამე პირთა წინაშე წარმოქმნილი პასუხისმგებლობა:

მზღვეველი აანაზღაურებს დამზღვევზე დაკისრებულ პასუხისმგებლობას, თუ დაზღვეული ქონების გამოყენებისას წარმოქმნილი შემდეგი დაზღვეული რისკების: ხანძრის, აფეთქების, დატბორვის ან კონსტრუქციული ელემენტის, დამონტაჟებული საგნის / მოწყობილობის ვარდნის ან შენობის ნგრევის შედეგად ზიანი მიადგა მესამე პირის ქონებას ან ჯანმრთელობას თანახმად დაზღვევის პირობებისა;

- მოიჯარის (დამქირავებლის) მიერ გამოწვეული ზარალი:

გარდა ძირითადი პროდუქტით დაზღვეული რისკის გამოვლინების შედეგად განცდილი ზარალისა, მზღვეველი ასევე აანაზღაურებს ისეთ ზარალს, როდესაც მოიჯარე დააზიანებს დამზღვევის დაზღვეულ ქონებას და ბრალს აღიარებს (უნდა იყოს ნოტარიულად დამოწმებული, ზიანის ოდენობის მითითებით) თანახმად დაზღვევის პირობებისა;

- მეიჯარის (გამქირავებლის) პასუხისმგებლობა:

მზღვეველი აანაზღაურებს დამზღვევზე დაკისრებულ მატერიალურ პასუხისმგებლობას, თუ დაზღვეული ქონების გამოყენებისას ზიანი მიადგა მოიჯარის პირად ქონებას ან ჯანმრთელობას/სიცოცხლეს თანახმად დაზღვევის პირობებისა;

- საიჯარო შემოსავლის დაკარგვა:

მზღვეველი აანაზღაურებს დაკარგულ საიჯარო შემოსავალს (დაზღვეული ქონების აღდგენამდე ან ახალი ქონების შექენამდე მაქსიმუმ 6 (ექვსი) თვის განმავლობაში), თუ

ძირითადი პროდუქტით დაზღვეული რისკის გამოვლინების შედეგად, დაკარგავთ დაზღვეული ქონებიდან მისაღებ საიჯარო შემოსავალს, თანახმად დაზღვევის პირობებისა;

4. დამზღვევის მიერ სადაზღვევო პრემიის გარდა სხვა ფინანსური ხარჯის განვების წინაპირობები, ოდენობა და წესი - ხელშეკრულების შეწყვეტის შემთხვევაში, სადაზღვევო პრემიის შეწყვეტის თარიღისათვის გამოუმუშავებელი პრემიის 80 % აღარ ექვემდებარება გადახდას, ან თუ უკვე გადახდილია სრულად (ან ნაწილობრივ), ასეთ შემთხვევაში დამზღვევს უკან დაუბრუნდება. გამოუმუშავებელი პრემიის 20 %-ს კი მზღვეველი იტოვებს მომსახურებაზე განეული ადმინისტრაციული ხარჯების საკომპენსაციოდ;

5. ფრანშიზის სახე, ოდენობა და გამოყენების წინაპირობები

ფრანშიზა წარმოადგენს თანხას ან პროცენტულ მაჩვენებელს, რომელიც არ ექვემდებარება მზღვეველის მიერ ანაზღაურებას და რომელიც აკლდება ზარალის თანხის ოდენობას;

უპირობო - ის მინიმალური თანხა ან პროცენტი, რომელიც ყოველთვის გამოაკლდება მთლიანი ზარალის ოდენობას;

ფრანშიზის ოდენობა და გამოყენების წინაპირობები განისაზღვრება სადაზღვევო პოლისით.

6. სადაზღვევო ანაზღაურებაზე უარის გაცხადება/დაზღვევის გამონაკლისი პირობები მზღვეველს უფლება აქვს უარი განაცხადოს ანაზღაურებაზე, თუ:

- დაზღვეული ქონების მესაკუთრემ, მასში მუდმივად მცხოვრებმა პირმა ან ჩამოთვლილიდან რომელიმეს ნებართვით დაზღვეულ სახლში მყოფმა პირმა ჩაიდინა განზრახ ქმედება ან გამოიჩინა უხეში გაუფრთხილებლობა;
- დაზღვეული ქონების დაზიანების, ქურდობის, ძარცვის, ყაჩაღობის ფაქტი, დამზღვევმა არ შეატყობინა მზღვეველს გაგებიდან 24 საათში;
- სხვა დაზღვევის წარმოქმნის შემთხვევაში ინფორმაცია დამზღვევმა გაგებისთანავე არ მიაწოდა მზღვეველს;
- სადაზღვევო მოთხოვნის რეგულირების პროცესში, დამზღვევმა მზღვეველს წარუდგინა არაზუსტი/ყალბი ინფორმაცია, საბუთი ან ცნობა;
- უკიდურესი კეთილსინდისიერების დათქმის თავში მითითებული ინფორმაცია დამზღვევმა დროულად არ აცნობა მზღვეველს ან დამზღვევის შეტყობინება არასწორ მონაცემებს შეიცავს, ან დაზღვევის განაცხადში დამზღვევის მიერ მითითებული ინფორმაცია არაზუსტი ან ყალბია (მაგ. არასწორად მიუთითეთ შენობის აშენების წელი);
- დამზღვევმა არ მიიღო ყველა შესაძლო გონივრული ზომა მიმართული ზარალის მინიმიზაციისკენ, დაზღვეული ქონების გადასარჩენად/ შესანარჩუნებლად;
- დამზღვევმა არ ითანამშრომლა მზღვეველთან სადაზღვევო მოთხოვნის რეგულირების პროცესში, მათ შორის არ შეასრულა მზღვეველის მითითებები.
- მზღვეველთან, წინასწარი შეთანხმების გარეშე დამზღვევმა მიიღო დაზიანებული ქონების აღსადგენი ზომები ან შეცვალა ზიანის ამსახველი ვითარება;
- მზღვეველთან, წინასწარი, წერილობითი, შეთანხმების გარეშე დამზღვევმა აღიარა ბრალი ან გადაუხადა მესამე პირს (მათ შორის მოიჭარეს) კომპენსაცია ან ანაზღაურა სასამართლო/სასამართლოს გარეშე დაცვის ხარჯები.
- მესამე პირთა (მათ შორის მოიჭარის) წინაშე წარმოქმნილი პასუხისმგებლობის საქმის სასამართლო განხილვის ეტაპზე, დამზღვევმა სცნო სარჩელი (ან მისი ნაწილი) ან/და

დაზარებულ მხარესთან მორიგდა მზღვეველთან წინასწარი წერილობითი შეთანხმების გარეშე, ან დამზღვევის წინააღმდეგ გამოტანილია დაუსწრებელი გადაწყვეტილება.

- დამზღვევა უარი თქვა შემთხვევაზე პასუხისმგებელი პირის მიმართ მოთხოვნაზე ან მოთხოვნის უფლებაზე ან არ მიანოდა მზღვეველს ის საბუთები, რომლებიც საჭიროა შემთხვევაზე პასუხისმგებელი პირის მიმართ რეგრესის მოთხოვნის წასაყენებლად, რის შედეგადაც მზღვეველის მიერ სუბროგაციული უფლების გამოყენება შეუძლებელი გახდა.
- მზღვეველი არ აანაზღაურებს იმ სადაზღვევო შემთხვევებს, რომლებიც დადგება დამზღვევის მიერ პრემიის პირველი ან ერთჯერადი შესატანის გადახდამდე, ხოლო, თუ სადაზღვევო პოლისი მრავალწლიანია, როგორც პირველი, ისე ყოველი მომდევნო წლის პირველი ან ერთჯერადი სადაზღვევო პრემიის გადახდამდე.
- პრემიის პერიოდულად გადახდის შემთხვევაში, მორიგი პრემიის დადგენილ ვადაში სრულად გადაუხდელობისას, მზღვეველი დამზღვევს გაუგზავნის შეტყობინებას პრემიის გადახდის ორკვირიანი დამატებითი ვადის მითითებით. თუ დაზღვეული შემთხვევა დადგება ამ ორკვირიანი ვადის გასვლის შემდეგ და პრემიის დავალიანება არ იქნება დაფარული, მზღვეველი თავისუფლდება ანაზღაურების მოვალეობისაგან.
- სადაზღვევო პოლისის გაცემიდან პირველი 14 დღის განმავლობაში II, III ან IV ჯგუფის რისკებით გამონჭეული ზარალი ანაზღაურებას დაექვემდებარება მხოლოდ იმ შემთხვევაში, თუ დამზღვევის მიერ პოლისის გაცემის მომენტში წარმოდგენილია ფოტომასალა, რომელზეც მკაფიოდ ჩანს ქონების იმ კონკრეტული ნაწილის პირვანდელი/დაზიანებამდე არსებული მდგომარეობა, რომელიც სწორედ II, III ან IV ჯგუფის რისკების გამოვლინების შედეგად დაზიანდა. ეს წესი არ მოქმედებს უწყვეტად განახლებულ პოლისებზე.
- მზღვეველი არ აანაზღაურებს ისეთ ზარალს, რომლის გამომწვევი პირდაპირი ან ირიბი მიზეზია:
 - შენობის/დაზღვეული ქონების ისეთი დეფექტი ან ნაკლი, რომლის შესახებაც დამზღვევს უნდა სცოდნოდა დაზღვევის მომენტში;
 - სამშენებლო/სარემონტო სამუშაოები, გარდა „კოსმეტიკური“ ხასიათის სამუშაოებისა (სამღებრო სამუშაო, შპალერის გაკვრა);
 - ომი, შეიარაღებული მოქმედებები, ტერორიზმი;
 - გაფიცვა, აჯანყება, სამოქალაქო არეულობა/მღელვარება;
 - ბირთვული საფრთხე, რადიაციული ფონი;
 - ხელისუფლების ან კანონის დადგენილება.
- დაზღვევას არ ექვემდებარება და, შესაბამისად არ ანაზღაურდება შენობის გარეთ მიწის ნაკვეთზე არსებული ქონება (მათ შორის გაყვანილობის სისტემა); ფეთქებადი ნივთები, ცეცხლსასროლი იარაღი, მცენარეები, ელექტრონული მონაცემები/ინფორმაცია (მათ შორის პროგრამები და პროგრამული უზრუნველყოფა); დოკუმენტაცია; ძვირფასეულობა, ფული, ნახატები და რაიმე სახის საკოლექციო თუ ანტიკვარული ნივთები;
- მესამე პირთა წინაშე წარმოქმნილი პასუხისმგებლობის სადაზღვევო დაფარვის მიზნებისათვის გამონაკლისს წარმოადგენს და, შესაბამისად, არ ანაზღაურდება ზარალი, რომლის გამომწვევი პირდაპირი ან ირიბი მიზეზია: ხელშეკრულებით დაკისრებული ისეთი პასუხისმგებლობა, რომელიც აფართოებს სამოქალაქო პასუხისმგებლობას - ხელშეკრულებით დაკისრებული ჯარიმა - მეიჯარის / მოიჯარის მიმართ პასუხისმგებლობა;

- მოიჯარის (დამქირავებლის) მიერ გამოწვეული ზარალის სადაზღვევო დაფარვის მიზნებისათვის გამონაკლისს წარმოადგენს და, შესაბამისად, არ ანაზღაურდება ზარალი, რომლის გამომწვევი პირდაპირი ან ირიბი მიზეზია: ხელშეკრულებით დაკისრებული ისეთი პასუხისმგებლობა, რომელიც აფართოებს სამოქალაქო პასუხისმგებლობას; ხელშეკრულებით დაკისრებული ჯარიმა;
- მეიჯარის (გამქირავებლის) პასუხისმგებლობის სადაზღვევო დაფარვის მიზნებისათვის გამონაკლისს წარმოადგენს და, შესაბამისად, არ ანაზღაურდება ზარალი, რომლის გამომწვევი პირდაპირი ან ირიბი მიზეზია: ხელშეკრულებით დაკისრებული ისეთი პასუხისმგებლობა, რომელიც აფართოებს სამოქალაქო პასუხისმგებლობას; ხელშეკრულებით დაკისრებული ჯარიმა.
- საიჯარო შემოსავლის დაკარგვის სადაზღვევო დაფარვის მიზნებისათვის გამონაკლისს წარმოადგენს და, შესაბამისად, არ ანაზღაურდება ზარალი, რომლის გამომწვევი პირდაპირი ან ირიბი მიზეზია: ქონების აღდგენის გაჭიანურება (აღსადგენად თანხის მიღებიდან გონივრულ ვადაში, (მაგრამ არაუმეტეს 3 თვისა), თუ არ განახლდა ფუნქციონირება);
- მზღვეული არ აანაზღაურებს შენობის გარე მოპირკეთების და სახურავის ისეთი დაზიანებას, რაც მის ფუნქციონირებას ზღუდავს - ისეთ ზარალს, რომლის გამომწვევი პირდაპირი ან ირიბი მიზეზია, ისეთი სტიქიური მოვლენა (გარდა წყალდიდობისა), რომელმაც არ გამოიწვია კოსტრუქციის დაზიანება.
- მოპირკეთება/მონტაჟი და შიგთავსის სექციით ანაზღაურდება მხოლოდ იმ ავეჯის, ტექნიკისა და საყოფაცხოვრებო ნივთების დაზიანებით გამოწვეული ზარალი, რომლებიც მოცემულია სადაზღვევო პოლისის დანართი 1-ის ჩამონათვალში;
- დაზღვეული ქონების დაკარგვისას/განადგურებისას/დაზიანებისას, იმ შემთხვევაში თუ ვერ ხორციელდება საკუთრების უფლების მზღვეულისათვის გადაცემა დაკარგულ ქონებაზე/განადგურებული ქონების ნარჩენებზე/დაზიანებული ქონების შეცვლილ ნაწილებზე, მზღვეული უფლებამოსილია საკუთრების/ქონების ნარჩენის ან შეცვლილი ნაწილების ღირებულება გამოქვითოს გასაცემი ანაზღაურებიდან ან, მოითხოვოს გაცემული ანაზღაურები უკან დაბრუნება.

6.1 დაზღვევის უჩვეულო გამონაკლისი პირობა - არ არის გათვალისწინებული.

7. სადაზღვევო შემთხვევის დადგომისას მზღვეულისთვის შეტყობინების გაგზავნის, მოთხოვნის წარდგენის, სადაზღვევო შემთხვევის რეგულირებისა და სადაზღვევო ანაზღაურების გაცემის ფორმა და ვადები:

- დაზღვეული ქონების დაზიანების, ქურდობის, ძარცვის, ყაჩაღობის ფაქტის გაგებისთანავე, დამზღვევმა დაუყონებლივ უნდა აცნობოს მზღვეველს აღნიშნულის შესახებ სატელეფონო ცენტრში, ნომერზე: +995 32 2444 999;
- შემთხვევის დასაფიქსირებლად, მზღვეველის სატელეფონო ცენტრის ოპერატორს დასჭირდება დამზღვევის პირადი მონაცემები და შემთხვევის დეტალები.
- ნებისმიერი სახის ზიანის დადგომისას, შესაძლებლობის ფარგლებში, დამზღვევმა უნდა მიიღოს ქონების გადასარჩენად მიმართული ყველა გონივრული ზომა (მაგ. ქურდობის/ძარცვის/ყაჩაღობის/ვანდალიზმის დროს აუცილებელია დამზღვევმა გამოიძახოს საპატრულო პოლიცია, ხანძრის (აფეთქება) დროს - აუცილებელია გამოიძახოს საგანგებო სიტუაციების კოორდინაციისა და გადაუდებელი დახმარების

ცენტრი (სახანძრო) და საპატრულო პოლიცია). ზიანთან დაკავშირებული, ყველა უფლებამოსილი ორგანოს მიერ გაცემული დოკუმენტი დამზღვევმა აუცილებლად უნდა მიაწოდოს მზღვეველს. ასევე, მზღვეველთან შეუთანხმებლად, დამზღვევმა არ უნდა შეცვალოს ზიანის ამსახველი ვითარება და არ მიიღოს დაზიანებული ქონების აღსადგენი ზომები.

- შემთხვევის დაფიქსირების შემდგომ, მოვლენის ხასიათიდან გამომდინარე, მზღვეველი დამზღვევს მიაწოდებს დეტალურ ინსტრუქციებს თუ რა ინფორმაცია/დოკუმენტაცია არის საჭირო შემთხვევის გამომწვევი მიზეზების შესასწავლად.
- ყველა აუცილებელი საბუთის და ინფორმაციის მიღების შემდგომ, 10 სამუშაო დღის ვადაში, მზღვეველი დამზღვევს შეატყობინებს დაკმაყოფილდება თუ არა მისი მოთხოვნა და რა თანხით. თანხის გაცემა ხდება, ორმხრივად ხელმოწერილი აქტის საფუძველზე, რაც წარმოადგენს ორივე მხარის მიერ ანაზღაურებაზე შეთანხმების დასტურს.
- მზღვეველი უფლებას იტოვებს გადაავადოს ანაზღაურების თაობაზე გადანყვეტილების მიღება, თუ შემთხვევასთან დაკავშირებით დამზღვევის, დაზღვეული ქონების მესაკუთრის, მასში მუდმივად მცხოვრები პირის ან ჩამოთვლილიდან რომელიმეს ნებართვით დაზღვეულ ტერიტორიაზე მყოფი პირის მიმართ აღძრულია სისხლის სამართლის საქმე;
- პრემიის პერიოდულად გადახდის შემთხვევაში, მზღვეველი უფლებამოსილია ანაზღაურების ოდენობიდან გამოქვითოს გადასახდელი პრემია სრული ოდენობით;
- შემთხვევის გამომწვევი მიზეზების ან ზარალის ოდენობაზე შეუთანხმებლობის შემთხვევაში, დამზღვევი უფლებამოსილია, საკუთარი ხარჯით, მოითხოვოს აკრედიტირებული ექსპერტიზის ჩატარება.

7.1 ანაზღაურების სიდიდის დადგენა

7.1.1 კონსტრუქცია

კერძო სახლის/აგარაკის კონსტრუქციის დაზიანების/განადგურების შემთხვევაში: ზარალის სიდიდე შეფასდება როგორც განადგურებული/დაზიანებული კონსტრუქციის, შემთხვევის დადგომის მომენტში, ახალი მასალით, აღდგენის/განახლების ღირებულება (მაგრამ არაუმეტეს დაზღვეული შემთხვევის დადგომის წინ, იგივე კერძო სახლის/აგარაკის საბაზრო ღირებულებისა).

ბინის კონსტრუქციის დაზიანების/განადგურების შემთხვევაში: ზარალის სიდიდე შეფასდება როგორც დაზიანებული კონსტრუქციის, შემთხვევის დადგომის მომენტში, ახალი მასალით, აღდგენის/განახლების ღირებულება (მაგრამ არაუმეტეს იგივე/მსგავს ლოკაციაზე, მსგავსი კონსტრუქციის საბაზრო ღირებულებისა). იმ შემთხვევაში, თუ კონსტრუქცია აღდგენას არ ექვემდებარება, ზარალის სიდიდე შეფასდება, როგორც ჩანაცვლების ღირებულება, რაც თავისთავად გულისხმობს, შემთხვევის დადგომის მომენტში, იგივე/მსგავს ლოკაციაზე, მსგავსი კონსტრუქციის საბაზრო ღირებულებას.

7.1.2 მოპირკეთება/მონტაჟი და შიგთავსი

დაზიანების/განადგურების შემთხვევაში: ზარალის სიდიდე შეფასდება, როგორც შემთხვევის დადგომის მომენტში, ახალი მასალით/ნაწილებით აღდგენის/განახლების ღირებულება. ის ერთეულები კი, რომლებიც აღდგენას არ ექვემდებარება, მაგ. დაკარგვის ან განადგურების გამო, ჩანაცვლების ღირებულებით შეფასდება. რაც თავისთავად გულისხმობს, იგივე/მსგავს მდგომარეობაში მყოფი (იგულისხმება რა მდგომარეობაშიც იყო ერთეული, შემთხვევის დადგომის წინ), მსგავსი ერთეულის საბაზრო ღირებულებას.

მოპირკეთება/მონტაჟი და შიგთავსის სექციით ანაზღაურდება მხოლოდ იმ ავეჯის, ტექნიკის და საყოფაცხოვრებო ნივთების დაზიანებით გამოწვეული ზარალი, რომლებიც მოცემულია სადაზღვევო პოლისის დანართი 1-ის ჩამონათვალში. ამასთან, თუ ზარალი ამავე დანართის ქვე-ლიმიტის ჯამის 50%-ს გადააჭარბებს, დამატებით, ერთჯერადად, გაიცემა მოპირკეთება/მონტაჟი და შიგთავსის ქვე-ლიმიტის 2.5%, რომელიც განკუთვნილია ისეთი წვრილი საყოფაცხოვრებო ნივთებისთვის, რომელიც არ არის მითითებული ზემოაღნიშნულ დანართი 1-ში.

7.1.3 მესამე პირთა წინაშე წარმოქმნილი პასუხისმგებლობა/მეიჯარის (გამქირავებლის) პასუხისმგებლობა:

ზარალის სიდიდეს წარმოადგენს შესაბამისი პროდუქტის დაზღვეული რისკით გამოწვეული დამზღვევის მატერიალური პასუხისმგებლობა მესამე პირის წინაშე (მეიჯარის (გამქირავებლის) პასუხისმგებლობის დაფარვის შემთხვევაში მოიჯარის წინაშე). დაზარალებულ მხარესთან ნებისმიერი სახის მოლაპარაკება დამზღვევმა უნდა აწარმოოს მზღვეველთან შეთანხმებით. დაზარალებულ მხარესთან ანაზღაურების ოდენობაზე შეთანხმებლობის შემთხვევაში, ზარალის სიდიდე განისაზღვრება სასამართლოს მიერ, დამზღვევზე დაკისრებული მატერიალური პასუხისმგებლობის საფუძველზე. ამ შემთხვევაში, მზღვეველთან წინასწარ შეთანხმების საფუძველზე მზღვეველი ასევე აანაზღაურებს, დამზღვევის მიერ სასამართლო და სასამართლოს გარეშე განეულ ხარჯებს.

7.1.4 მოიჯარის (დამქირავებლის) მიერ გამოწვეული ზარალი:

ზარალის სიდიდეს წარმოადგენს მოიჯარის მატერიალური პასუხისმგებლობა დამზღვევის წინაშე. მოიჯარესთან ანაზღაურების ოდენობაზე შეთანხმება დამზღვევმა უნდა აწარმოოს მზღვეველისგან მიღებული ინსტრუქციით. მოიჯარესთან ანაზღაურების ოდენობაზე შეთანხმებლობის შემთხვევაში, ზარალის სიდიდე განისაზღვრება სასამართლოს მიერ, მასზე დაკისრებული მატერიალური პასუხისმგებლობის საფუძველზე. ამ შემთხვევაში, მზღვეველთან წინასწარი შეთანხმების საფუძველზე ის ასევე აანაზღაურებს დამზღვევის მიერ სასამართლო და სასამართლოს გარეშე განეულ ხარჯებს.

7.1.5 საიჯარო შემოსავლის დაკარგვა:

ზარალის სიდიდეს წარმოადგენს მიუღებელი საიჯარო შემოსავალი (მაგრამ არაუმეტეს მსგავს ლოკაციაზე არსებული, მსგავსი ბინის 6 (ექვსი) თვის საბაზრო საიჯარო შემოსავლისა). მიუღებელი საიჯარო შემოსავლის დასადგენად მზღვეველი იყენებს ისეთ წყაროს, როგორცაა მოქმედი და წინა პერიოდის განმავლობაში არსებული ქირავნობის ხელშეკრულება (ასეთის არსებობის შემთხვევაში) და დამზღვევის საბანკო ანგარიშის ამონაწერი (საიდანაც დგინდება საიჯარო შემოსავლის მიღება/არსებობა). ზემოხსენებული 6 (ექვსი) თვის დაკარგული შემოსავლის განსაზღვრის დროს მზღვეველი უფლებას იტოვებს გაითვალისწინოს საიჯარო ფასზე სეზონურობის გავლენა.

სადაზღვევო ლიმიტიდან, ანაზღაურების სახით გაიცემა თითოეული პროდუქტის შემადგენელი ელემენტისათვის ზემოთ მოყვანილი წესით შეფასებული ზარალის დაჭამებულ თანხას გამოკლებული ფრანშიზა.

7.1.6 შემცირებულ ფართზე დაზღვევა

თუ ზარალის შეფასების ეტაპზე აღმოჩნდება, რომ განაცხადში ფართობად (შემდგომში დაზღვეული ფართობი) რეალურზე ნაკლები ფართობია მითითებული, ამ პირობებში მოცემული წესით ძირითადი პროდუქტისათვის გამოთვლილი ანაზღაურება შემცირდება დაუზღვეველი ფართობის რეალურ ფართობთან შეფარდების პროპორციულად.

7.1.7 სხვა დაზღვევა

კომპენსაციის პრინციპის თანახმად, დამზღვევს არ აქვს უფლება მიიღოს რეალურ ზარალზე მეტი თანხა. შესაბამისად, თუ დამზღვევის ინტერესი ზარალის მომენტში დაფარული აღმოჩნდება სხვა პოლისითაც, ამ პირობების წესით გამოთვლილი ანაზღაურება (რომელსაც მიიღებდით სხვა დაზღვევის არარსებობის შემთხვევაში), შემცირდება ყველა მზღვეველის მიერ გასაცემ ჯამურ თანხასთან შეფარდების პროპორციულად.

7.2 დაზღვეული ქონების დაკარგვისას/განადგურებისას/დაზიანებისას, იმ შემთხვევაში თუ ვერ ხორციელდება საკუთრების უფლების მზღვეველისათვის გადაცემა დაკარგულ ქონებაზე/განადგურებული ქონების ნარჩენებზე/დაზიანებული ქონების შეცვლილ ნაწილებზე, მზღვეველი უფლებამოსილია საკუთრების/ქონების ნარჩენის ან შეცვლილი ნაწილების ღირებულება გამოქვითოს გასაცემი ანაზღაურებიდან ან, მოითხოვოს გაცემული ანაზღაურები უკან დაბრუნება.

7.3 სადაზღვევო ანაზღაურება გაიცემა ლარში, გადახდის დღეს საქართველოს ეროვნული ბანკის მიერ დადგენილი გაცვლითი კურსის შესაბამისად.

წინამდებარე შეთავაზება წარმოადგენს არასრულ/არაამომწურავ ინფორმაციას დაზღვევის პირობების შესახებ და აღნიშნული დოკუმენტი არ არის დაზღვევის ხელშეკრულების იდენტური ძალის მქონე.

თქვენ მიერ წინამდებარე შეთავაზების გაცნობა და ჩვენს მიერ შეთავაზებასთან დაკავშირებით განმარტებების გაკეთება არ წარმოშობს სამართლებრივ შედეგებს და მოთხოვნებს თქვენსა და ჩვენ შორის.